



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 84. Ludovicus Sfortia captus, ac Helvetii habitu indutus Lugdunum
deducitur.

[urn:nbn:de:hbz:466:1-67025](#)

Sæcul. XV. in duo agmina divisis, uno obsidicem
A C. 1500. solvere, altero vero, quod Albinus mo-
derabatur, hostibus Ticini fluminis traje-
ctum interdicere parabat, nec improspe-
ro successu; Albinus enim adeo dextre
demandata sibi defunctus est provincia,
ut Ducis copiæ flumen transmittere, ne-
quidem ausi essent.

§. LXXXIV.

*Ludovicus Sforzia captus, ac Helvetii
habitu indutus Lugdunum de-
ducitur.*

Dux Mediolani spe sua delusus, prælii
discrimen experiri simulat. Jam im-
peria equites sui accipiebant, ad omnem
Morian. l. 27
n. 137. rei strenue gerendæ dexteritatem inten-
tis mentibus. Ast Helvetii eo temporis
Naucler.
chron. gener.
51.p.515. articulo, quo summa rerum haud ultra-
simulationem patiebatur, aperte decla-
rant, sibi integrum haud esse, illius impe-
ratis obedire; obstare enim suorum Ma-
gistratum jussa, quibus adversus propin-
quos, ac fratres suos, qui in castris
Gallicis militarent, decertare prohibe-
rentur, proin nulla mora in patriam redi-
re juberentur. Evidem Mediolanensis
Dux nil intentatum relinquit, ut Helve-
tios in fide contineret; instat, urgetque
qua



qua precibus, qua lacrymis; ast eorum Sæcul. XV.
animos flectere desperans, rogavit, ut A.C. 1500.
eum saltem in tutum locum perducere,
eoquod copiis Gallicis undique cinc-
ctus esset. Ægre tandem ab illis impe-
trabat, ut Helvetici peditis veste indutus,
inter ipsos per medium Trimollii aciem
elabi posset. Referunt nonnulli, Helve-
tios hanc fugæ conditionem Gallici ex-
ercitus Præfectis prodiisse, hincque Lu-
dovicum, cum Gallorum oculos in om-
nes, quibus secedere datum erat, inten-
tos fallere non posset, ab hoste agnatum
fuisse; subjungunt alii, Helvetios trans-
euntes etiam Gallis, ut Duceim cape-
rent, signa dedisse, eumque digito demon-
strasse. Ut ut res se habuerit, vix inter
Gallici agminis hastatos dextra lœvaque
suo ordine constitutos medius decimum,
aut forte duodecimum passum consece-
rat, cum jam a Gallis agnosceretur, &
comprehensus, Trimollo traditus esset.
Hic Lugdunum, ubi Rex adhucdum a-
gebat, captum deduxit. Eadem occasio-
ne cum illo Galeatius, Fracassus, & An-
tonius Maria fratres iisdem Helveticis ve-
stibus, armisque contecti comprehendere
bantur.

§. LXXXV.